

西
周
史
徵
三

西周史徵卷二十 志第六

百官

惟王建國辨方正位體國經野設官分職以爲民極

以上周禮大官序官

文分職級祿述如左

一曰職天子立三公曰大師大傅大保無官屬與王同職

故曰坐而論道謂之三公

五經異義引古周禮說大戴禮保傅篇云昔周成王幼在襁褓之中召公爲太保周公爲太傅太公爲太師隱五年公羊傳云

三公者何天子之相也周自陝而東者周公主之自陝而西者召公主之一相處乎內此又一說又立三少以爲之副曰少傅少

師少保是謂三孤

北堂書鈔五十引古周禮說

立天官冢宰使帥其屬而掌邦治以佐王均邦國

以上周禮天官序官文

立地官司徒使帥其屬而掌邦教以佐王安擾邦國

以上地官序官文

立春官宗伯使帥其屬而掌邦

禮以佐王和邦國

以上春官序官文

立夏官司馬使帥其屬而掌邦政

以佐王平邦國

以上夏官序官文

立秋官司寇使帥其屬而掌邦禁以

佐王刑邦國

以上秋官序官文

立司空

書牧誓有司空官名

冬官亡其職不可考天官

冢宰總領六官亦與其他五官并列大宰掌建邦之六典

治典教典禮典政典刑典事典

以佐王治邦國以八灋

官屬官職官聯官常官成官灋官刑官計

治官府以八則

祭祀法則廢置祿位職貢禮俗刑賞田役

治都鄙以八柄

爵祿予置生奪廢誅

詔王馭羣臣以八統

親親敬故進賢使能

保庸尊賢達吏禮賓

詔王馭萬民以九職

三農園圃虞衡敷牧百工商賈嬖婦臣妾閭民

任萬民以九賦

邦中四郊郊甸

家到邦縣邦都關市山澤幣餘

斂財賄以九式

祭祀賓客喪荒養服工事幣帛錫林匪頒好用

均節財用以九貢

祀嬖器幣

材貨服旂物

致邦國之用以九兩

放長師儒宗主吏友藪

繫邦國之民

以上節周禮春官大宰職文小注亦本之大宰職

凡國家組織皆大宰任之地官大司徒之職掌建邦之士

地之圖與其人民之數以佐王安擾邦國以天下土地之圖周知九州之地域廣輪之數辨其山林川澤丘陵墳衍原隰之名物而辨其邦國都鄙之數制其畿疆而溝封之設其社稷之壇而樹之田主各以其野之所宜木遂以名其社與其野以土會之灋辨五地之物生

五地卽山林川澤丘陵墳衍原隰

施十

有二教

以祀禮教敬以陽禮教讓以陰禮教親以樂禮教和以儀辨等以俗教安以刑教中以誓教恤以度教節以世事教能以賢制爵以庸制祿

以土宜之灋

辨其有二土之名物以相民宅而知其利害以阜人民以蕃鳥獸以毓草木以任土事辨十有二壤之物而知其種以教稼穡樹藝以土均之灋辨五物九等制天下之地征以作民職以令地貢以斂財賦以均齊天下之政以土圭

之灋測土深正日景以求地中以荒政十有二散利薄征緩刑弛力舍禁去幾省禮殺哀

蕃樂多昏索鬼神除盜賊聚萬民以保息六慈幼養老振窮恤貧寬疾安富養萬民以本俗六徽宮室族

墳墓聯兄弟聯師儒聯朋友同衣服安萬民頒職事十有二于邦國都鄙十有二即稼穡樹藝作材阜蕃飭材通財化材

欽材生材學藝世事服事使以登萬民以鄉三物教萬民而賓興之三物即六德六行六藝以

鄉八刑不孝之刑不睦之刑不婣之刑不弟之刑不任之刑不恤之刑造言之刑亂民之刑糾萬民以五禮防萬民之僞

而教之中以六樂防萬民之情而教之和凡萬民之不服

教而有獄訟者與有地治者聽而斷之若國有大故則致

萬民於王門令無節者不行於天下大荒大札則令邦國

移民通財舍禁弛力薄征緩刑歲終則令教官正治而致

事正歲令于教官曰各共爾職修乃事以聽王命其有不

正則國有常刑

以上節周禮地官大司徒職文小注亦本之大司徒職

春官大宗伯之職掌建邦

之天神人鬼地示之禮以佐王建保邦國以吉禮事邦國

之鬼神示

以上天神人鬼地示之禮詳見禮儀志祭篇

以凶禮哀邦國之憂以喪禮哀死

亡以荒禮哀凶札以弔禮哀禍哉以贈禮哀圍敗以恤禮

哀寇亂以賓禮親邦國

春見曰朝夏見曰宗秋見曰覲冬見曰遇時見曰會殷見曰同時聘曰問殷覲曰視

以軍禮同邦

國

大師之禮用衆也大均之禮恤衆也大田之禮簡衆也大役之禮任衆也大封之禮合衆也

以嘉禮親萬民以飲食之禮親

宗族兄弟以昏冠之禮親成男女以賓射之禮親故舊朋

友以饗燕之禮親四方之賓客以賑膳之禮親兄弟之國

以賀慶之禮親異姓之國以九儀之命正邦國之位

壹命受職再命受服

三命受位四命受器五命賜則六命賜官七命賜國八命作牧九命作伯詔相王之大禮若王不與祭祀則攝位

凡大祭祀王后不與則攝而薦豆籩徹大賓客則攝而載

果朝覲會同則爲上相大喪亦如之王哭諸侯亦如之王

命諸侯則賓國有大故則旅上帝及四望王大封則先告

后土乃頒祀于邦國都家鄉邑以上節周禮春官大宗伯職文小注亦本之大宗伯職夏官大司

馬之職掌建邦國之九灋制畿封國以正邦國設儀辨位以等邦國進賢興功以作邦國建牧立監以維邦國制軍誥禁以糾邦國施貢分職以任邦國

簡稽鄉民以用邦國均守平則以安邦國比小事大以和邦國以佐王平邦國以九伐之灋馮弱犯寡則嘗之賊賢害民則伐之暴內陵外則壇

之野荒民散則削之負固不服則侵之賊殺其親則正之放弑其君則殘之犯令陵政則杜之外內亂鳥獸行則滅之正邦國正月之吉始和布

政于邦國都鄙乃縣政象之灋于象魏使萬民觀政象挾

日而斂之乃以九畿之籍九畿與九服同見疆域志施邦國之政中春教振

旅司馬以旗致民平列陳如戰之陳辨鼓鐸鐃之用王執路鼓

諸侯執賁鼓軍將執晉鼓師帥執提旅帥執鼙卒長執鐃兩司馬執鐃公司馬執鐃以教坐作進退疾徐疏數之節中夏

教芟舍如振旅之陳羣吏撰車徒讀書契辨號名之用

帥以門名

縣鄙各以其名家以號名鄉以州名野以邑名

百家各象其事以辨軍之夜事其他皆如振

旅中秋教治兵如振旅之陳辨旗物之用

王載大常諸侯載旅軍吏載旗師都載旛鄉遂載物郊野載旄

百官載旄

各書其事與其號焉其他皆如振旅中冬教大閱前期

羣吏戒衆庶修戰灋虞人萊所田之野爲表百步則一爲

三表又五十步爲一表田之日司馬建旗于後表之中羣

吏以旗物鼓鐸鐃各帥其民而致質明弊旗誅後至者

乃陳車徒如戰之陳皆坐羣吏聽誓於陳前斬牲以左右

徇陳曰不用命者斬之中軍以鼙令鼓鼓人皆三鼓司馬

振鐸羣吏作旗車徒皆作鼓行鳴鐸車徒皆行及表乃止
三鼓攄鐸羣吏弊旗車徒皆坐又三鼓振鐸作旗車徒皆
作鼓進鳴鐸車驟徒趨及表乃止坐作如初乃鼓車馳徒
走及表乃止鼓戒三關車三發徒三刺乃鼓退鳴鐸且卻
及表乃止坐作如初遂以狩田以旌爲左右和之門羣吏
各帥其車徒以叙和出左右陳車徒有司平之旗居卒間
以分地前後有屯百步有司巡其前後險野人爲主易野
車爲主旣陳乃設驅逆之車有司表貉于陳前中軍以鼙
令鼓鼓人皆三鼓羣司馬振鐸車徒皆作遂鼓行徒銜枚
而進大獸公之小禽私之獲者取左耳及所弊鼓皆駟車

徒皆譟徒乃弊致禽饁獸于郊入獻禽以享烝及師大合
軍以行禁令以救無辜伐有罪若大師則掌其戒令涖大
卜帥執事涖釁主及軍器及致建大常比軍衆誅後至者
及戰巡陳眡事而賞罰若師有功則左執律右秉鉞以先
愷樂獻于社若師不功則厭而奉主車王弔勞士庶子則
相大役與慮事屬其植受其要以待攷而賞誅大會同則
帥士庶子而掌其政令若大射則合諸侯之六耦大祭祀
饗食羞牲魚授其祭大喪平士大夫喪祭奉詔馬牲

以上節周禮夏官大

司馬職文小注亦本之大司馬職

秋官大司寇掌建邦之三典

刑新國用輕典刑平國用中典刑亂國用重典

以佐

王刑邦國詰四方以五刑

野刑上功糾力軍行上命糾守鄉刑德糾孝官刑上能糾職國刑上愿糾暴

糾萬民正

月之吉始和布刑於邦國都鄙乃縣刑象之灋于象魏使
萬民觀刑象挾日而斂之凡邦之大盟約涖其盟書而登
之于天府大史內史司會及六官皆受其貳而藏之凡諸
侯之獄訟以邦典定之凡卿大夫之獄訟以邦灋斷之凡
庶民之獄訟以邦成弊之大祭祀奉犬牲若禋祀五帝則
戒之日涖誓百官戒于百族及納亨前王祭之日亦如之
奉其明水火凡朝覲會同前王大喪亦如之大軍旅涖戮
于社凡邦之大事使其屬蹕以上節周禮秋官大司寇職文小註亦本之大司寇職冬官大司空
其職無考

以上六卿至所屬諸官職掌另詳百官表

此天子官制也大國三卿皆命於

天子下大夫五人上士二十七人次國三卿二卿命於天

子一卿命於其君下大夫五人上士二十七人小國二卿
皆命於其君下大夫五人上士二十七人

以上禮記
王制文

此諸侯官

制也至王畿則有六鄉六遂之分鄉大夫之職各掌其鄉
之政教禁令正月之吉受教灋于司徒退而頒之于其鄉
吏使各以教其所治以攷其德行察其道藝以歲時登其
夫家之衆寡辨其可任者以歲時入其書三年則大比攷
其德行道藝而興賢者能者鄉老及鄉大夫帥其吏與其
衆寡以禮禮賓之厥明鄉老及鄉大夫羣吏獻賢能之書
于王歲終則令六鄉之吏皆會政致事正歲令羣吏考灋
于司徒以退各憲之於其所治之國大詢于衆庶則各帥

其鄉之衆寡而致於朝國有大故則令民各守其閭以待

政令以旌節輔令則達之

以上節周禮地官鄉大夫職文

遂大夫各掌其遂之政

令以歲時稽其夫家之衆寡六畜田野辨其可任者與其

可施舍者以教稼穡以稽功事掌其政令戒禁聽其治訟

令爲邑者歲終則會政致事正歲簡稼器修稼政三歲大

比則帥其吏而興眊明其有功者屬其地治者

以上節周禮地官遂大夫職文

鄉

之下有州黨族閭比之分各有其長

地官大司徒職云令五家爲比使之相保五比爲閭使之相受四閭爲族使之相葬

五族爲黨使之相救五黨爲州使之相調五州爲鄉使之相賓比有比長閭有閭胥族有族師黨有黨正州有州長皆屬地官今依韓信同三禮圖如左圖


遂之下有縣鄙鄣

里鄰之分各有其長


地官遂人職云五家爲鄰五鄰爲里四里爲鄣五鄣爲鄙五鄙爲縣五縣爲遂鄰有鄰長里爲里宰鄣有鄣長鄙有鄙師縣有縣正皆屬地官今依

韓信同三禮圖如左圖

(凡邦國都鄙放此)



(都鄙稍甸郊里之地域故縣師云掌)



二曰級太宰職云乃施典於

邦國而建其牧立其監設其

參傅其伍陳其殷置其輔乃

施則于都鄙而建其長立其

兩設其伍陳其殷置其輔乃

施灋于官府而建其正立其

貳設其攷陳其殷置其輔

據此則官府都鄙皆五

級惟邦國則六級

宰夫職云一曰正掌官灋以

天官太宰職文

今依太宰職鄭注及孔疏為圖如左

以上周禮

官府

正

冢宰司徒宗伯司馬司寇司空

貳

小宰小司徒小宗伯小司馬小司寇小司空

考

宰夫鄉師肆師軍司馬士師

殷

衆士

輔

士府

邦國

牧

監公侯伯子男

參

三卿

伍

五大夫

殷

輔

都鄙

長

公卿王子弟

兩

兩卿

伍

殷

輔

治要二曰師掌官成以治凡三曰司掌官灋以治目四曰

旅掌官常以治數五曰府掌官契以治藏六曰史掌官書

以贊治七曰胥掌官敍以治叙八曰徒掌官令以徵令

以上周禮

天官宰夫職文鄭注正辟於治官則冢宰也師據此則輔以下尚有史胥徒三級

焉

三曰爵王者之制祿爵公侯伯子男凡五等諸侯之上大

夫卿下大夫上士中士下士凡五等以上禮記王制文大宗伯以九儀

之命正邦國之位壹命受職鄭注始見命為正吏謂列國之士再命受服鄭注

此受玄冕之服列國之大夫再命於子男為卿卿大夫自玄冕而下如孤之服王之中士亦再命則爵弁服三命受位鄭注此列國之卿始有列位於王四

命受器鄭注此公之孤始得有祭器者也禮運曰大夫具官祭器不假聲樂皆具非禮也王之下大夫亦四命五命賜則鄭注則地未成國之名王

等五命賜之以方百里二百里之地者方三百里以上為成國六命賜官鄭注此王六命之卿賜官者使得自置其臣治家邑如諸侯春

罪而曰曾臣彪將率諸侯以討焉其官臣僂實先後之七命賜國鄭注王之卿六命出封加一等者八命作牧鄭注謂侯伯有功德者加命得專征伐於諸侯

九命作伯鄭注上公有功德者加命為二伯得征五侯九伯者。以上周禮春官大宗伯職文制三公一命卷若有加則

賜也不過九命次國之君不過七命小國之君不過五命

大國之卿不過三命下卿再命小國之卿與下大夫一命

以上禮記王制文今列九命之表如左

四曰祿周制諸公之地封疆方五百里其食者半諸侯之

九命	八命	七命	六命	五命	四命	三命	二命	一命	不命
上方伯	三州公	牧侯伯	卿	子男	下中大夫	上士公侯	中士公侯	下士公侯	胥徒
孤	伯	卿	子男	公之孤	伯之卿	伯之卿	伯之卿	伯之卿	胥徒
孤	伯	卿	子男	公之孤	伯之卿	伯之卿	伯之卿	伯之卿	胥徒

地封疆方四百里其食者三之一諸伯之地封疆方三百

里其食者三之一諸子之地封疆方二百里其食者四之

一諸男之地封疆方百里其食者四之一

以上周禮地官大司徒職文鄭注其食者半參之一四之一者

土均均邦國地貢輕重之等其率之也公之地以一易侯伯之地以再易子男之地以三易必足其國禮俗喪紀祭祀之用乃貢其餘若今度支經用餘爲司農穀矣大國貢重正之也小國貢輕字之也凡諸侯爲牧正師長及有德

者乃有附庸爲其有祿者當取焉公無附庸侯附庸九同伯附庸七同子附庸五同男附庸三同進則取焉退則歸焉案禮記王制云公侯田方百里伯七十里子男五十里不能五十里者不合於天子附於諸侯曰附庸孟子萬章

下亦粗同似周禮所云非是然趙在翰序韓信同三禮圖說云夫王制所言鄭君以爲夏制孟子當諸侯去籍之後所據以可類推明王與之曰孟子見戰國爭雄攘地廣袤遂援百里七十里五十里之制以抑當時并吞之心此辨